

سنه لکی در سعادت ایچون مجیدیه
یکرمی غروش حسابله التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانونیه محاکمه عدلیه

آبونه اولقی ایستینلر دائره عدلیه
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته دهه ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلیغات

عدلیه نظامت مجیدیه سنه بالعموم ولایات شاهانه
استیناف مدعی عمومیکلریه نظیر قنانه ایکی قطع
محررات عمومیه صورتیدر:

مجیدیه حجاز تیمور بولی مصارف انشائییه سنه مدار
اولقی اوزره ویریه جک عرضحالر ایله مربوطاتنه
برر غروشلق علم و خبر الصاقی اراده سنیه حضرت
خلافتبهای اقتضای عالینندن بولندینی و کیفیت تعمیماً
تبلیغ اولندینی حالده ورود ایدن بعض عرضحالر ایله
ملفوفاتنه سالف الذکر علم و خبرلرک ربط والصاق
ایدلماش اولسندن ناشی اصول وقاعده نظامیه دائره
سنه رسمیتی حائر اولیان اوراق و كذلك آحاد
طرفندن کوندریلان پولسز علم و خبرلر، استدعا
وخصوصی مکتوبلر نظارتجه معامله رسمیه به اساس
اتخاذ اولنه میوب بالطبع حکمسز طولقدده وشو حال
دائره نظارتی بهوده اشغال ایله برابر بعض خصوصیات
مستعجله حقنده کی معاملاتک تأخرینی انتاج ایتمکده
بولنش اولمغله بعد اذین نظارته ارسال اولنه حق
مستدعیات ایله هر نوع ملفوفاتنه مذکور علم و خبرلرک
بهمه حال ربط والصاقی خصوصیه بغایت دقت واعتنا
ایدلسی و خلافی معامله مسئولیتی مستلزم اوله جفتک
بیلمسی سیاقنده شقه مخصوصه ترقیم قلندی.

ترقیم و تحویل مأموریت و طلب مأذونیت کی
خصوصیات ایچون احکاماتک مراجعتی اوزرینه لواوقضا
بدایت محاکمی رؤساییه مدعی عمومی معاونلری طرفندن
بعض اشعارات وقوع بولمقده و بومثللو مخبراتک
استیناف مدعی عمومیلری واسطه سبیله اجرایی
وانفکاکارنده حالاً و مصلحه محذور اولوب اولمده
یغنک درجه اولاده مدعی عمومیلر طرفندن تعیین
وتقدیری اصول متخذه ایجابندن بولندینی جهتله
بالطبع بوکی مستدعیات و اشعارات اوزرینه تعیین
معامله قابل اوله میوب اصوله توفیقاً مخبریه لزوم
کورنمکده بولنش اولمغله بعد اذین اصول مخبره

خارجنده اشعارات و معاملاتدن توق و بجانب ایتملری
لزونمک ایجاب ایدلره تبلیغی و مأذونیت استدعاسنده
بولنه حق مأمورینک رأس مأموریتلرندن تباعد
وانفکاکلری مصلحه محذورن سالم اولوب اولما
دیغنک اشعاری خصوصیه دقت واعتنا ایدلسی سیاقنده
شقه ترقیم قلندی.

توتون قنچلیغنه متعلق اولوب بیغا قضای بدایت
محکمه سندن ویریلان ویدی قطعیه اولجه حکم اولان
جزای تقدینک حبسه تحویلی و آلتی قطعیه دخی
حبس و جزای نقدی قرارلری حای اولان اعلان
ماتک مصارف محاکمه سی پیشیناً استیناف اولنقسزین
چیقارلمش و تاریخ حکمدن اعتباراً شمیدی به قدر کذار
ایدن اون ایکی سنه به قریب مدت ظرفنده رژی
اداره سبیله مدعی عمومیک جانینندن دخی تعقیب
ایدلماش اولسندن ناشی تنفید احکامسنده تردد
ایدلیدی قلعه سلطانیه سنجانی بدایت محکمه سی مدعی
عمومی معاونلکندن اشعار اولندینی بیانیله استفسار
معامله به متضمن در سعادت استیناف مدعی عمومی
میلکندن ویریلان مذکره اوزرینه، جزا قانوننامه
هایوننک تقسیمی ایجابجه جنحه درجه سنه جراندن
معدود بولنن توتون قنچلیغندن طولایی حبس
حکمی متضمن اولان سالف الذکر اعلاناتک تاریخ
تنظیمندن اعتباراً شمیدی به قدر اون ایکی سنه به قریب
زمان مرور ایدلیدی حالده تنفید و اجرایی اسبابنه
تشبث و ابتدار اولندینی متن مذکرده بیان اولنسنه
واصول محاکمات جزائییه قانوننک در تیوز سکسانجی
ماده سنده جنحه افعالنیه مرتب مجازاتک حکم قطعی
تاریخندن اعتباراً بش سنه صکره ساقط اوله جتی مرقم
بولنسنه نظراً اعلانات مذکورنک حبسه متدائر
اولان فقرات حکمیه سندن طولایی مرور زمان وقوعنه
سببیت ویرنلر حقنده تعقیبات و معاملات قانونیه
ایفاسندن بشقه اتخاذ و اجرا اوله حق بر معامله
قلماش اولندینی کی توتون جزای تقدیلری عتد
الایجاب صلحاً استینافیه مأذون اولان رژی اداره

سنک حقوق شخصیه سی جمله سندن بولنن اشبو
جزای تقدیلرک بعد الحکم ایفاسندن ترمرد و امتناع
اولندینی حالده قنچلیک اموال و املاکی حجز و فروخت
اولنقی مثللو دیگر مواده جاری اصول و قواعد
تنفیدیه به توفیق معامله اولنیوب جزای تقدی حکمک
در حال حبسه تحویلی صورتیه محکوم علیهم حقارنده
نظامنامه مخصوصنک تعیین و بیان ایدلیدی مجازات
ترتیب و اجرا ایدلمکده اولسنه کوره ذکر اولنن
اصول محاکمات جزائییه قانوننک در تیوز سکسان
آلتجی ماده سی موجبجه مصارف جراحیه و ایام
تعطیلیه اجرتی کی حقوق شخصیه متفرع و اون
بش سنه مرور زمانه تابع اولان و خصوصیات اجرا
بییه سی قوانین عمومیه به توفیق ایدلمکده بولنن مقرراته
قیاساً معاملات تنفیدیه سی بر منوال محرر بر حال
استثنائیده جریان ایتمکده و اساس و ماهیتی اعتباریه
بالآخره حبسی استلزام ایدلمکده اولان توتون جزای
تقدیلرینه متدائر اعلاناتک دخی اون بش سنه مرور
زمانه تابع عد و اعتباریه تنفید احکامی رهین جواز
اوله میه جفته بناء مذکور در تیوز سکسان آلتجی
ماده نک بوخصوصه مدار استناد اوله مامسی طبیعی
بولنش اولندینی انجمن عدلیه دن افاده قلمشدر.

ذیله قضاسنده مختار مهری حک ایتدیره رک نامنه
طابو معامله سی اجرا و ساخته کارلغه اجترایتمش
اولان ذیلنک اولقمان قریه سی اهلینندن محمدک
مرجع محاکمه سی حقنده قضاء مذکور عدلیه و مجلس
اداره مستنطقلری بیننده تحث ایدن اختلاف
اوزرینه و علم و خبره محتوم مهرک ساخته اولندینی
وبونک مرقوم محمد طرفندن حک ایتدیره رک استعمال
اولندینی اکلاشدیغندن و مظنون مرقوم مختار اولندینی
حالده بوصورتله ساخته کارلغه جرأتندن طولایی امام
و مختارکده محاکمه سی لازم کلسه بیلله افراد اهلیدن
اولان محمدک جریده اشتراکی سبیلله مظنون مرقومه
تبعاً بونلرک دخی محاکمه سی جهت عدلیه به طائد بو
لندیغندن عدلیه مستنطقلکی قرارنامه سنک ابطالیه

اوراق دعوانك جهت عدلیه به تودیه شورای دولت اختلاف مرجع انجمنندن با مضبطه افاده وموجبجه عدلیه نظارت جلیله سندن محله تبلیغ ماده قلمشدر .

محاکمات مختصه

قصریه سنجانی بدایت محکمه سی مدعی عمومی معاون اسبقی الیاس عزت افندیك اوراق انفصالیه ومدافعه نامهمی انجمن انتخاب مأمورین عدلیهجه لدی التذقیق جواز استخدامنه قرار ویرلشدر .

محکمه تمیزاستدعا دائره سندن تنظیم واعطا قتلان اعلامدر :

طرابلس شام سنجانی بدایت محکمه سی ابله بیروت ولایت استیناف محکمه سی جزا دائره سندن لاحق اولان قرارلرک یکدیگرینه مباین اولمسندن طولای تعیین مرجع دعوی طلبی حاوی ولایت مذکوره مدعی عمومیکی جانبندن ۲۱ کانون ثانی سنه ۳۱۸ تاریخی تخریراته ارسال اولتان اوراق باش مدعی عمومیك مأموریت بهبه سنك ۱ مارت سنه ۳۱۹ تاریخی تبلیغنامه سی ابله برلشدبرلرک محکمه تمیز استدعا دائره سنه تودیع اولنقله قرائت ومطالع له اولدی .

اوراق مذکوره مألورینه نظراً قسطنطین وعیسی خلاطك خانه سی دیواریك بر قسمی هدم وتخریب ایتدکری ادعا اولتان عبده موسی وعطاء اه حقارنده محکمه بدایجه اجرا ایدیلان محاکمه مرقوم عبداللهك اوج ماه مدله حبسیله کندوسندن بیک آلی یوز غروشك بدل تضمین اولهرق تحصیلنه وعطاء اللهك برانته دایر غایب ویریلان حکم علیه اعتراض اولنقله اولبایده اجرا ایدیلان محاکمه وجاهیه ده مرقومانك مذکور دیواره ملکیت ادعا سنده بولندقلرندن کیفیك اول امرده حقوق محکمه سنه حواله سنه قرار ویرلرک قرار مذکور استیناف ایدلی اوزرینه اولبایده استیناف محکمه سنجه جریان ایدن محاکمه ده قرار ابتدائی مذکوره اصابت اولدیفندن فسخیله کیفیك رؤیت وفصلی ضمننده اوراقك بتکرار محکمه بدایت اعاده سنه قرار ویرلش ومحکمه بدایجه دخی بوایشك اولجه محاکمه لازمهمی بالاجرا حکمی اعطا ایدلش اولدیفندن تکرار محاکمه اجرایی وظیفه وصلاحت خارجنده ایدوکنه قرار ویرلرک اوراقی اعاده ایدلش وشو صورتله بدایت واستیناف محکمه لری قرارلری بیننده حاصل اولان اختلافك فصلی محکمه تمیزه عائد

بولنش اولدیفندن محله مقتضای قانونیسنك ایشامی بیان واشعار ومارالذکر تبلیغنامه دخی قرار استینافی مصیب وموافق قانون کورنکله بوکا مباین اولان بدایت محکمه سی قرارلرک نقضی لازم کلهچکی ازیار اولمشدر .

ایجابی لدی المذاکره محکمه استینافیهجه قرار ابتدائی فسح ایدلرکدن صکره اکال محاکمه ایدلک لوازم قانونیه سن اولدینی حالده محکمه بدایت اعاده کیفیت ایدلی مخالف قانون اولدیفندن اصول محاکمات جزائییه قانونك درت یوز اون سکرنجی ماده سی حکمنه توفیقاً تعیین مرجع دعوی طریقله قرار استینافك تقضیه ومحکمه بدایتك قرار اخیرى وجهله ایضای معامله ایدلک اوزره اوراق مرقومهك محله اعاده سنه ۱۳ مارت سنه ۳۱۹ تاریخنده متفقاً قرار ویرلدى .

قالتدلك كور کویشته قریه سندن رمضان بن عثمانی قتل ایدلیکی ادعا اولنمسندن دولای جنایتله اتهام اولتان قریه مزبورلی محمد بن داودك اون بش سنه مدله کورک قولنسنه دایر پرزین سنجانی بدایت محکمه سی جزا دائره سندن ویریلان ۸۸ نومرولی اعلام

کره سنه قضاانك جورخی قریه سندن دسپو قادیك خانه سنده مسافره مقیم کسریلی سیالیالهاو ابله داوی عورامك بتوت ایتدکری اوطیه به بالدخول معامله جبر وشدت اجراییله تقود واشیا لری اخذ وغصب ایدلکری ادعا اولنمسندن دولای جنایتله اتهام اولتان پناویقی نیقوله یانی فاغلی وقسطنطین طوزو فاغلیك اون بشر سنه مدتلره کورک قولنلرینه دایر سرفیجه سنجانی بدایت محکمه سی جزا دائره سندن ویریلان ۳۵ نومرولی اعلام

ارکلی قضاانك بغدادی محله سندن اوخانس اوغلی میساقك خانه سنه اختار ایدیره رق بالدخول سندوغنی شکست واشیایی سرت ایدلیکی ادعا اولنمسندن دولای جنایتله اتهام اولتان نیکدلی قویجی یاقونك اوج سنه مدله کورک قولنسنه دایر قونیه ولایتی استیناف محکمه سی جزا دائره سندن ویریلان ۵۹ نومرولی اعلام

تقی قضاانك چابل قریه سندن محمد بن احمدك کیفیت قتلندن دولای جنایتله اتهام اولتان عرب اوغلی قره مصطفانك اون بش سنه مدله کورک قولنسنه دایر بوردور سنجانی بدایت محکمه سی جزا دائره سندن ویریلان ۶۶ نومرولی اعلام

آجیاد قضاى تحصیلدارى سالم افندی قتل ایدلیکی ادعا اولنمسندن دولای جنایتله اتهام اولتان بقال حاجی رستم بن عبداللهك اون بش سنه مدله کورک قولنسنه دایر کلیولی سنجانی بدایت محکمه سی جزا دائره سندن ویریلان ۳۲۷ نومرولی اعلام

مصطفی بن عبدینك ضرباً وفاته سببت ویردیکی ادعا اولنمسندن دولای جنایتله اتهام اولتان بابای عتیق قضاانك قره بابر قریه سندن یلامه محمدك بش سنه مدله کورک قولنسنه دایر قرق کلیسا سنجانی بدایت محکمه سی جزا دائره سندن ویریلان ۳۰۱ نومرولی اعلام

مترویحده ساکن بوسنه مهاجرلرندن حق بن سلیمانی قتل قصدیه جرح ایدلیکی ادعا اولنمسندن دولای جنایتله اتهام اولتان تپه دلتی مصطفی بن محمدك درت سنه مدله کورک قولنسنه دایر پرشته سنجانی بدایت محکمه سی جزا دائره سندن ویریلان ۸۰ نو- مرولی اعلام

کلیولی قسطنی ولد اطناشی قتل ایدلیکی ادعا اولنمسندن دولای جنایتله اتهام اولتان طریایی نیقوله ولد اطناشك اون بش سنه مدله کورک قولنسنه دایر کلیولی سنجانی بدایت محکمه سی جزا دائره سندن ویریلان ۱۴۰ نومرولی اعلام

برسه ناحیه سنك خروا قریه سندن منچونك اوغلی چویان اسپرونی قتل ایدلیکی ادعا اولنمسندن دولای جنایتله اتهام اولتان کورجی قبی قنثار اوغلی اسماعیلك اون بش سنه مدله کورک قولنسنه دایر ماسترولایتی استیناف محکمه سی جزا دائره سندن ویریلان ۲۹ نومرولی اعلام

خیزان قضاانك اوجوم ناحیه سندن زوجهمی ذلیحانی قتل ایدلیکی ادعا اولنمسندن دولای جنایتله اتهام اولتان عمر بن عبداللهك اون بش سنه مدله کورک قولنسنه دایر بتلیس ولایتی استیناف محکمه سی جزا دائره سندن ویریلان ۳۵ نومرولی اعلام

قولاشك شاهو ك قریه سندن یشار بن آغونی قتل ایدلیکی ادعا اولنمسندن دولای جنایتله اتهام اولتان داودك اون بش سنه مدله کورک قولنسنه دایر سننجه سنجانی بدایت محکمه سی جزا دائره سندن ویریلان ۱۴ نومرولی اعلام محکمه تمیز جزا دائره سنجه تصدیق اولمشدر .

۲۷۱ نومرولی نسخه ده مندرج درسمعات جنایت محکمه سی اعلامنك مابعدی :

اظهار حق شاهدلری اولوب ورود ایدن باب ضبطیه نوعی قومیسرلکی میننده مستخدم پولیس

افرادندن اوتوزالتی باشلرنده ولسل افندی ویک بر دیرکده اقامتله تره دارلق ایتدیکی سولییان قرق بش باشنده اقرملی حسن افندی ابن محمود وینه محل مذکوره اقامتله باغچه قیوسنده ترزی اولدیفنی بیان ایدن آستانه لی یاقو ولد صرافیم وکذا دیوان بولنده مقیم اوتوز ابکی باشنده دیوریکلی قولاجی مانوق ولد مانول وینه محل مذکور ساکنلرندن قولاجی اوتوز اوج باشنده اقرملی فروسو بنت فروستا ویکری اوج باشنده ایرانی حسین بن بابا ویک بر دیرکده اقامتله کمورجیلک ایدن یکریمی سکر باشنده اکیل اسکندر بن ابراهیم وفصلی باشنده بیتوتله لغمجیلک ایدن التش باشلرنده اقرملی صادق بن حسین وینه مذکور محله حلیجیلک ایتدیکی سولییان اوتوز بش باشنده کنفرلی حسین بن محمد برر برر حضور محکمه یه قیقاریله قندالسؤال طرفینه برکونه قریات ومناسبت وخصوصتاری اولدیفنی کلاشلعله تعریفات قانونیه دائره سنده هر برنه اخطارات لازمه بعدالایفا بتاحلیف استماع اولندقلرندن بولرندن ولسل افندی برکون نوبت اوطه سنده بولدیفنی صروده پولیس شکرلی افندی ابله اسمنی ییله مدیک برزاندازه نفری متهم محمدعلی بی وجروخی کتورماریه استجواب ایتدکلرندن متهم محمد علینك دائما کندوسنی قلندر استرا ایتدیکنندن ویم وقعه دخی ناموسنه تجاوز ایده جک بعض کلاملرده بولندیفندن روولور ابله مرقومی اوردیفنی طایعاً اعتراف ایدلیکی ومتهم مرقومک ذاتاً سلاحی بولندیفنی بیلدیکی ومرقوم قلندرک دخی اخذ واعطا ماده سندن دولای متهم محمد علی ابله میانه لرنده تحدث ایدن نفسایت سافه سبله کندوسنی اوردیفنی سولیدیکی افاده ایتدی .

حسن افندی وقعه صباحی ایشدیکی سلاح صداسی وکورتلی اوزرینه کیدوب باقدیفنده متهم محمد علینك الله روولور اولدیفنی حالده دکانك اوکنده طولاشدیفنی ومذکور روولوری براقرق اوراده بولتان پولیس مأمورینه [تسلیم] دیدیکی وقلندری کندی اوردیفنی دخی متهم اقرار ایدلیکی واصروده مجروحاً یاتمده اولان مرقوم قلندرک دخی جارحنی صوردیفنده مرقوم برسب بیان انجیهك متهم محمد علینك اوردیفنی سولیدیکی میانه لرنده منازعه سابقه اولوب اولدیفنك فرقه ده اولدیفنی حکایه ایدلی . ترزی یاقو وقعه دن مقدم برکون مقتول قلندرک دکاننده اوطورمه ده ایکن متهم محمد علینك بالورود کندوسنه برطاق شتم وکفرده بولندیفنی فقط قلندر برشی سولیدیکی ووقه کونی بشقه محله اولدیفندن صورت قله دایر معلوماتی بولندیفنی وبقال طناش ایشدیکی روولور صداسی اوزرینه باقدیفنده متهم

محمد علینك بن اوردم تسلیم اولبورم دیدیکی ونیجون اوردیفنی سولیدیکی ومقتول قلندرک دخی عجم بی بیدی دیو سولیدیکی وروولوری دخی دستکاهک اوزرنده کوردیکی ومتوقای مرقومده سلاح اولدیفنی ومجمندن مقصدی دخی متهم محمد علی اولدیفنی ومقدما منازعه لری اولدیفنی ییله مدیکنی بیان وقولاجی مانوق وقعه صباحی یاتور ایکن ایشدیکی سلاح صداسی اوزرینه باقدیفنده متهم محمد علی بی الله روولور بولندیفنی حالده دکان اوکنده کوردیکی والبه سنی کینوب چقنجه یه قدر متهم مرقومی طوتوب کونورمه که اولدقلرنی کوره ییلوب سلاح آتارکن کورمدیکی وقلندری اوردیفنی خلقدن ایشدیکی آتیان وقولاجی فروسو قادین بازار اولق ملاسه سیله محل وقعه ده بولنه مدیفندن ماده جرح وقعه دایر برکونه مشاهداتی اولدیفنی وکرک متهم محمد علیسن کرک متوفی قلندرک آلش ویریش ایدر ایدوکی وکندی یوزندن منازعه سیق ایتدیکی درمیان ایدیلر .

متهم محمدعلی مقتول قلندرک مزبوره به یحاق ابله بعض تهدیداته بولنسنندن ناشی مزبوره ك کلوب کندوسنه شکایت ایدلیکی ومقدما منازعه به سبب دیدیکی قادینك مزبوره ایدوکی ایراد ومزبوره دخی اصلی اولدیفنی یاد ایتدیلر .

توتونجی حسین ، متوفی قلندرک اوردیفنی کور- ماش ایسه ده شوندن بوندن ایشدیکی ومرقوم قلندرک اجزا خانه ده مجروحاً بولندیفنی صروده بی بقال عجم اوردی دیدیکی وبقال مجمندن مقصدی حاضر بولتان متهم اولدیفنی برآورده زبان واسکندر دکاتی آچار ایکن آتیان ایکی عدد روولورک ایکنجیسی فرق ایده ییلوب باقدیفنده متهم الله روولور اولدیفنی حالده باق عجم نصل اولور دیدیکی وصادق ایشدیکی روولور صداسی اوزرینه باقدیفنده متهم محمد علی الله طومقه ده اولدیفنی روولوری دستکاهک اوزرینه قویه رق تسلیم دیو سولیدیکی وکنفرلی حسین دخی صادق افاده سی وجهله سودجی به کیدر ایکن متهم محمد علینك الله روولور بولندیفنی حالده کوردیکی وصره تسلیم سوزنده بولندیفنی آتیان ایدیلر . شهادات واقعه لرینك حاضر بالمجلس اولان متهم محمد علی به عائد اولدیفنی ، استماع قتلان اظهار حق شاهدلرینك استماع اولندقه بیان ایدلکری کی بولرندن ولسل وحسن اقدیلر ابله یاقو وطناش ومانوق وحسین واسکندر وصادق اغالر دخی کوستر- یلان روولورک عندالارانه وقعه صرهنسند متهمده کوردکری سلاح اولدیفنی سولیدیلر .

هر برینك افاده سی ختام بولدقه نه دیه جکی متهمندن سؤال ایدلکده سکونی اختیار ایدلی .

اظهار حق شاهدلرندن اولوب خسته بولندیفنی اجلدن کله مدیک شاهد حسین طرفندن بیلدیریلان فاطمه قادیك استماعندن ریاستجه فراغت اولدیفنی بیلدیرلدى .

(بقیه سی کله جک نسخه به) باغچوان احمد ابله یحاقی افندیك یکدیگری ضرب ایتدکری ثابت اوله مدیفندن برانلرینه قوزغنجقه ساکن ایلالیونك دیپلوماسزاجرای طبابت ایتدیکی ثابت اوله مدیفندن برانته خورشیدك موسیو روغاینك موصلفی سرت ایدلیکی ثابت اوله مدیفندن برانته قوزغنجقه ساکن سودجی اساقك سودجی احمد اغای ضرب ایدلیکی ثابت اولدیفندن برهفته حبسنه

قوربه لی درده ساکن حوریه ومنور نام دیگر منیره ك مضارب ایدلکری ثابت اولدیفندن منیره ك اون کون حوریه ك برهفته حبسارینه بکلرکننده ساکن قوشچی جراحی امینك لاستیکی طودورونك دکانندن لاستیک سرت ایتدیکی ثابت اولدیفندن اوج آی حبسنه وختام مدتده ضابطه جه کفاله ریطنه اسکدار بدایت محکمه سی جزا دائره سنجه قرار ویرلشدر .

اعلانات

ایکلی تجارت محکمه سنده :

بشکلاشته کوی ایچنده ساکن ایکن ایکنجی محکمه تجارتدن افلاسنه حکم اولنش اولان مسکرات فابریقه طوری کرباقو خرستودولوس ذمتده آلاجنی اثبات ویا موقتاً قبول وقید ایتدیرمش اولان آلاجلولرک قانوننامه تجارتك ۲۱۱ نجی وآنی ولی ایدن ماده سی موجبجه مفلس طرفندن تکلیف اولنه جق قوتقور- داتونك مذاکره سی ایچون (۲۶ مایس سنه ۳۲۰) چهارشنبه کونی محکمه مذکورنك افلاس اوطه سنه کلری اعلان اولنور .

اعومات شرعیه ابرار واره سنده :

متوفاه بلقس خاتم وزه سنك زاندارمه بیکبا- شیلرندن متوفی فرهاد بك ذمتده قسمت عسکریه محکمه سندن اعطا قتلان برقطه مقتضا اعلامی موجبجه الاجنی اولان مبالغ معلومه ك تأمین استیفای ضمننده مدیون متوفانك عهده سنده اولوب دخی مقابلنده وفاء مفروغ وفروخی محکوم بولتان هر بری صرف

ملك بوغاز ایچنده انجیرکوی محله سنده پاشا باغچه سی جاده سنده واقع سکنز نور وایله مرقم مقدما قایقخانه وایوم مع قایقخانه مکرر سکنز نورولی ساحلخانه و محدث بقال دکانی و فو قنرند و واقع اون ایکی نورولی بربر دکانی ملکک قرق سهم اعتباریله اوتوز اوج سهمی ایله مذکور بربر دکانی دروننده مستقر نظاملو بربر کدکنک ثلثان حصه شایعه سی اشبو تاریخ اعلاندن اعتباراً اون بش کون صکره بالمزایده فروخته تشبث اولنه جغندن طالب اولوب پی سورمک و بوندن زیاده معلومات آلق ایستیانلرک مدت مذکور ختامندن صکره درسمادت اعلامات شرعیه اجرا دائره سینه مراجعت ایملری اعلان اولنور .

—♦♦♦—

بک ارغلی بدایت محکمه سی اجرا دائره سنده :

سوقراطی صراحی دیس اقدینک الی بنت یا قو . داک ذمتنده بک ارغلی بدایت محکمه سی برنجی حقوق دائره سنک اجرای موقتی شامل برقطعه اعلامی ایله محکوم به آله جفی اولان مبالغ معلومه نك تأمین تسویه سی ضمتنده مدیونه مزبور نك عهده تصرفنده اولوب داین مومی ایله نامنه فراغ بالو قایله مرهون و فروختی محکوم بولنان بک ارغلی قمرخاتون محله سنک مارغریت زقاعنده کائن عرضاً یدی و طولاً یکرمی درت بچق ذراع معماری که تخمیناً یوز یتش بر بچق آرشون عرصه اوزرینه منی و درت قادن عبارت اوله رق صغیر و کیر سکنز اوطه و درت صغه ویدی کیلار و درت آبدستخانه و آیدینلق محلی و زقاق طرفه ناظر اسفالتو دوشمه لی بر تراچه پی و زمین آلتنده بر مطبخ و چاشورلق و کمورلک و آبدستخانه و صهرنج و قیوی و زمین قاننده بر بک اوطه سی ایله صغه و مر مردوشمه لی حولی پی و بر کیلار و باغچه طرفنده قرمز طوغله دوشمه لی تراچه پی و آرقه طرفنده عرضاً یدی و طولاً اوج بچق آرشون که بحسب التریع یکرمی درت بچق آرشون مقداری باغچه پی مشتمل و بر طرفی موسیو طریانده فیلیدی خانه و باغچه سی و بر طرفی موسیو سیمیر یونینک خانه و باغچه سی و آرقه طرفی مهران قلفه خانه سی و طرف رابی مارغریت زقاعیله محدود حریمه ملحق خواجه رستم محله سنده مرحوم الحاج بکر اقا و قفندن توسیع انتقالو والی نورولو بر باب کارگیر خانه اشبو تاریخ اعلاندن اعتباراً اون بش کون صکره بالمزایده فروخت اولنه جغندن طالب اولوب دها زیاده معلومات آلق ایستیانلرک بک ارغلی بدایت محکمه سی اجرا دائره سینه مراجعت ایملری اعلان اولنور .

—♦♦♦—

ساقز بدایت محکمه سی اجرا دائره سنده :

قالیماشیا قریه لی لئویندا استامولینک قریه مذکور . ده لی اولوب اقامتکاهی مجهول بولنان سیده ری ولد صراندی و ورلی ذمتنده ساقز تجارت محکمه سنک ۱۷ نورولی و ۲۶ تموز سنه ۳۱۹ تاریخی اعلامی مو . جنبه آلاجنی اولان ایکی بیک کسور غروشله مصارف محاکمه نك تأمین استیفاسی چون مرقوم سیده رینک اجرا قانوننامه سنک یکرمی طقوزنجی ماده سی حکمنجه اوج آی ظرفنده اثبات وجود اتمی و ایتدیکی حالد . محجوز اولوب فروختی مقرر بولنان قالیماشیا قریه . سنک زانقری و ووناکی وایکنجی مدیلینو موقعلرنده کائن اوج قطعه ترلاسنک فروخته تشبث اولنه جفی اعلان اولنور .

~~~~~

وونوس قریه لی انسولا فوطیادی قادینک پاییدا قریه لی یانی ماقری و زوجیه سی لیونیا ذمتلرنده ساقز بدایت حقوق محکمه سنک ۴۴ نورولی و ۲۰ مایس سنه ۳۱۹ تاریخی اعلامی موجبجه آلاجنی اولان بیک آتی یوز اوج غروشله مصارف محاکمه نك تسویه . سی چون مرقومانک پاییدا قریه سنک مانداته س وریغلی موقعلرنده مرهون ایکی قطعه ترلاسنک فروختی مقرر اولوب تاریخ اعلاندن اعتباراً اون بش کون صکره مزایده یه چیقاریله جفی اعلان اولنور .

~~~~~

لیوادی محله لی استراطی باهانک محله مذکورده لی متوفاة آرکیو یوریاقدی وارثلری والدیه سی دسپینو و زوجی یانی و اقامتکاهی مجهول پدری دیمتری یوریا . قندی ذمتلرنده ساقز بدایت حقوق محکمه سنک ۵۰ نورولی و ۵ حزیران سنه ۳۱۹ تاریخی اعلامی موجبجه آلاجنی اولان بیک درتیوز کسور غروشله مصارف محاکمه نك تسویه سی ضمتنده ورثه مرقومه دن اقامتکاهی مجهول دیمترینک اجرا قانوننامه سنک یکرمی طقوزنجی ماده سی حکمنجه اوج آی ظرفنده اثبات وجود اتمی و ایتدیکی حالد مدیونه متوفانک لیوادی صوتیرا محله سنده کائن اولوب مرهون بولنان مع حولی بر باب خانه سنک فروخته تشبث اولنه جفی اعلان اولنور .

~~~~~

دعوی وکیللرندن علسکساندرو بوچانینک پاییدا قریه لی یانی ماقری ذمتنده ساقز بدایت حقوق محکمه . سنک ۷۹ نورولی و ۱۲ تموز سنه ۳۱۹ تاریخی اعلامی موجبجه آلاجنی اولان طقوز یوز بش غروشله مصارف محاکمه نك تسویه سی ضمتنده مدیون مرقومک قولوووجی موقعنده کائن مرهون ترلاسنک فروختی مقرر اولوب تاریخ اعلاندن اعتباراً اون بش کون صکره مزایده یه چیقاریله جفی اعلان اولنور .

~~~~~

دعوی وکیللرندن علسکساندرو بوچانینک پاییدا قریه لی سیده ری استاورینودی و زوجیه سی لیونیا ذمتلرنده ساقز بدایت حقوق محکمه سنک ۸۰ نورولی و ۱۵ تموز سنه ۳۱۹ تاریخی اعلامی موجبجه آلاجنی اولان اوج بیک کسور غروشله مصارف محاکمه نك تسویه سی ضمتنده مدیون مرقومک متصرف اولدینی راربا ویرو و پریوولیا و راربا موقعلرنده کائن مرهون درت قطعه ترلاسنک فروختی مقرر اولوب تاریخ اعلاندن اعتباراً اون بش کون صکره مزایده یه چیقاریله جفی اعلان اولنور .

~~~~~

ساقز جزیره سی ساکنه لرندن ازماراغدی قاقا . روقه قادینک جزیره مذکورده لی متوفی یانی قالوغریا وارثلری استاطولا و آسپاسیا و ماروقه قالوغریا ذمتلرنده ساقز متره پولیدخانه سنک برقطعه اعلامی موجبجه آلاجنی اولان سکنز بیک غروشک تأمین استیفاسی ایچون مدیون متوفانک متصرف اولدینی انکره موز آیامارینا موقعنده کائن شمالاً یانی قوسطالا ، جنوباً یانی قالوغریا املاکی ایله محدود برقطعه عرصه سی بیک غروش و آیا آنارکیری موقعنده کائن غرباً قالیوپی بالرونه و شمالاً یانی قالوغریا املاکی ایله محدود دیگر برقطعه عرصه سی کذا بیک غروشکه مجموعی ایکی قطعه عرصه سنک مزایده علنیه سی اجرا قلنرق ایکی بیک غروش بدل ایله طالی اوزرنده تقرر ایدرک اشبو اعلاننامه تاریخندن اعتباراً اوتوز برکون صکره قرار قطعیسی ویریه جکندن بدل مذکور اوزرینه یوزده بش ضمیله طالب ویا بر ایلیشکی اولانلرک ساقز بدایت محکمه سی اجرا مأموریتنه مراجعت ایملری اعلان اولنور .

~~~~~

مستاقریه لی میخال ایسنمولیارینک الاطه قریه لی میخال ده لیو و نیقوله یاقومیدی و یوانی پروتوفانوسه ذمتلرنده ساقز بدایت حقوق محکمه سنک ۳۲ نورولو و ۱ مایس سنه ۳۱۹ تاریخی اعلامی موجبجه آلاجنی اولان درت بیک درتیوز یتش الی غروشک مع فائض و مصارف محاکمه استیفاسی چون مدیون مرقومونک متصرف اولدینی الاطه قریه سنک آلونا ویناقوونو و لا تقاریا و قالورینا و آرمووه ساه و ولاحاس و آرمووه سا و لا تقاریا و وروراک نام موقعلرده کائن محجوز طقوز قطعه ترلاسنک فروختی مقرر اولوب تاریخ اعلاندن اعتباراً اون بش کون صکره مزایده یه چیقاریله جفی اعلان اولنور .